

ձին գուրգուրանքի եւ յարգանքի առարկայ: «Սեւանայ լճի առաջին մօթօրային նաւակի երթեւեկութիւնը... շինարարական աշխատութիւն»...

Ու մօթօրը նազ է անում եւ փութփութում: Փութփութում է անծայրի եւ անդնդացած լուսեան առջեւ, հիւանդ ծիտի նման:

Կղզու մօտ նաւակը պեղում է մի քանի ծառերի արտացոլուող պատկերը եւ կանգ է առնում փայտէ մի կամուրջի առջեւ: Իջնում ենք: Ամէնքի շրթունքները փակ են: Օդը կլանում է բոլոր բաները, ու լուսթիւնը բղէղի նման թեւերը զարկում է անհունին եւ վայր ընկնում:

Սեւանայ կղզին բնութեան հրաշակերտ մի վայր չէ: Նա կանանչ պատմուճանի տակ կորած, սուտակի եւ լազուրի վրայ նստած, դալուկ եւ փառահեղ թագուհի չէ, կամ կատաղի ծովերի մէջ ընկած վայրենի ժայռերի կուտակում չէ: Նա գրեթէ անմարմին, ոգեղենացած սուրբի մի դէմք է, որի առջեւ աննըչմարելի տենդոտ աչքեր պաղասանք են պտրտցընում, եւ ալիքները տաղ են արտասանում:

Սոնարհ մի շէնք, եկեղեցի: Վերը, պտրտող կածանի ծայրին ուրիշ մի եկեղեցի ու մի քանի քայլ անդին նորից մի եկեղեցի:

Խարխուլ, քարը քարից բաժանուած մատուռի մէջ սանդուխտաւոր սեղանը, կէս աշրրւած պատկերներ եւ ամէն տեղ թափուած մոմ: Սրբադիպրութեան քանդուած մեր եկեղեցիները ինչքա՛ն մենակեաց են, ինչքա՛ն խոնարհ եւ սրբազան: Զմեռը մրրիկը բաց դռնից եւ ճեղքուած տանիքից ներս է խուժում ու՝ գլուխը պատերին զարնելով՝ ամէհի իր աղօթքները ասում: ձիւնը իր կուրծքը կպցնում է պատերին եւ սառը մատներով շոյում է նրկարուած սրբերի դէմքերը: զրահաւորուած քամիները իջնում են այստեղ եւ դիւցադնական մեծ վէճերի են բռնուում: Իսկ զարուհը, կարմիր վարսերը վայր թափած, ծնկաչոք տառապում է, բուրումնաւէտ խօսքեր է ասում, սանդուխի աստիճանների վրայ մեյլամաղձոտ վարդեր է սփռում եւ կապոյտ բոցեր:

Բախտաւոր անապատականներ, որ զիտեն այդ լեզուն հասկանալ: Բարդ, երկրի խորքից եւ երկնքի անծայրից բխող լեզու, որի քերականութիւնը գրուած է ճարդ չի իմանում

ո՞ւր եւ սակայն ամէն տեղ է, բոլոր լեռների կատարին, դաշտերի վրայ եւ սրտերի մէջ:

Ամայի այդ սեղանի առջեւ մնացել եմ մինակ: Միամխտ պատկերները նայում են բոցակիզուած բիրերով: Սոնաւութեան մէջ ասաւոր մի տխրութիւն խոր մի հոր է փորել: Քարերի մէջից շաղախը թափուել է, եւ նրատեղ լոյս է նստել: Կարծես ամբողջ ծանրութիւնը ճառագայթների վրայ է յենուած:

Գլխիս մէջ անորոշ տողեր են երգում, բայց պատկերների նուշանման աչքերի մէջ թառած վախը ինձ էլ է լեցնում, ու մեղեդին փչւում է ալիքի նման:

Այստեղ ուխտաւորները ոչխար եւ եզ են մորթում:

Ոչխարի եղջիւրներից բռնած քաշում են ներս, բերում սեղանի առջեւ, բերանը բաց անում եւ մի բուռ աղ տալիս: Քիչ յետոյ, դըրսում, մեծ դանակներով կտրում են կոկորդը եւ, երբ հողը ըմպում է արիւնը, թաւուլ եւ զուռնայի ձայն է լսում եւ զոհը պարում է ինքը իր շուրջը:

Զոհարեութեան վրայ: Արիւն, աղօթք եւ զուռնա: Եւ յետոյ, խոր, անըմբռնելի միսակութիւն ամբողջ տարին:

Եւ հասկանում եմ աստուածութեան մօտենալու այս կերպը, ողիմպական երկրպագութեան այդ ձեւը, ողբերգական այդ գործողութիւնը: Հայ ժողովուրդը ամենադրամատիկ ժողովուրդն է աշխարհիս երեսին: Նա զոհ է եւ զոհարերող, երգ եւ միսակութիւն, հեթանոս եւ քրիստոնէայ, բնական վերին աստիճանի:

Բնական, այսինքն՝ տիեզերական: Եւ ինչպէ՞ս է, որ մենք, արդի հայերս, ցուպը ձեռքերնիս լեռնէ լեռ չենք ընկած, ձորէ ձոր, դաշտէ դաշտ չենք դացած, մեր աստուածները որոնելու համար, որպէսզի արիւնի, աղօթքի եւ միայնութեան տիեզերական իմաստը մեր հոգիների միջից քաղենք:

* * *

Սեւանայ կղզին վառ է ներքին, ներուժերաժշտութեամբ: Նա բարձրացել է լեռան կատարը, նստել լայնածաւալ հայելիի մէջ, որպէսզի Հայաստանի սանդուխտաւոր վերելքը իր բազուկները մխրճի երկնքի մէջ: Ա՛հ, Սե-